

Zvorničanin dr Edita - Magistarski rad

Fakultet/Akademija	MEDICINSKI FAKULTET
Tip Rada	Magistarski rad
Kandidat, zvanje	Zvorničanin dr Edita
Naziv Teme	Epidemiološke i kliničke karakteristike hospitaliziranih povreda oka u Klinici za očne bolesti UKCTuzla
Rezime/Abstract	Istraživanje je izvedeno po postulatima metodologije naučno – istraživačkog rada: definisan uzorak, ciljevi i hipoteze su potvrđeni. Kandidat je ovlađao medicinskim pisanjem i upotreboom literature. Rezultati istraživanja predstavljaju prvi izvještaj o epidemiološkim karakteristikama povreda oka na području Bosne i Hercegovine. Najveći broj povreda se dešava u toku samostalnih zanatskih aktivnosti, kod osoba muškog pola i niskog socio-ekonomskog položaja. Utvrđena je povezanost slabije prognoze vidne oštchine nakon povrede oka kod pacijenata sa starijom životnom dobi, ženskim polom, osoba iz ruralnih područja, osoba niže stručne spreme, pacijenata sa otvorenim povredama oka i nižim Okularnim trauma skorom. Istraživanje je dalo prediktore za procjenu broja mehaničkih povreda kao i osnovu za uspostavljanje strategije prevencije povreda oka na području Tuzlanskog kantona ali i čitave Bosne i Hercegovine. Istraživanje je retrospektivno - prospektivnog karaktera na konsekutivnom uzorku bolesnika kod kojih je dijagnosticirana povreda oka, a koji su nakon toga hospitalizirani u Klinici za očne bolesti Univerzitetskog kliničkog centra Tuzla. Istraživanje je obuhvatilo pacijente oba pola, bez obzira na dob, hospitalizirane u Klinici za očne bolesti od januara 2009. do decembra 2013. godine. U istraživanje je uključeno ukupno 329 pacijenata odnosno 421 oko. Pacijenti uključeni u istraživanje su podijeljeni u dvije grupe: pacijenti hospitalizirani zbog povreda oka u periodu od januara 2009. godine do decembra 2011. godine i pacijenti hospitalizirani zbog povreda oka u periodu od januara 2012. do decembra 2013. godine. Istorije bolesti pacijenata uključenih u istraživanje koji su hospitalizirani u periodu januar 2009. do decembar 2011. godine su retrospektivno analizirane, pri čemu su za istraživanje korišteni podaci: o mjestu i načinu nastanka povrede oka, oftalmološkom statusu na prijemu i otpustu iz bolnice, dužini bolničkog liječenja, te podaci o primjenjenim modalitetima liječenja. Kod ovih pacijenata su naknadno izračunati Okularni trauma skor i Indeks socijanog položaja. Pacijenti koji su hospitalizirani u periodu od januara 2012. godine do decembra 2013. godine analizirani su prospektivno. Za obradu podataka ovih pacijenata korišteni su istorija bolesti, te svi dostupni podaci u istoriji bolesti, kao i za pacijente hospitalizirane u periodu od januara 2009. do decembra 2011. godine. Kod ovih pacijenata su odmah na prijemu u bolnicu izračunati Okularni trauma skor i Indeks socijanog položaja.
Datum	15.11.2014
Predsjednik	Dr. sc. Šefik Hasukić, redovni profesor za nastavni predmet "Hirurgija", Medicinski fakultet Univerziteta u Tuzli
Mentor	Dr. sc. Vahid Jusufović, vanredni profesor za nastavni predmet "Oftalmologija", Medicinski fakultet Univerziteta u Tuzli
Član komisije	Dr. sc. Meliha Halilbašić, docent za nastavni predmet "Oftalmologija", Medicinski fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	dana 15.11.2014. godine u Amfiteatru I Medicinskog fakulteta Univerziteta u Tuzli s početkom u 14,00 sati
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.